

**Zeitschrift:** Igl Ischi : organ della Romania (Societat de Students Romontschs)  
**Herausgeber:** Romania (Societat de Students Romontschs)  
**Band:** 40 (1954)

**Nachruf:** Sur canoni prof. Augustin Giger 1873-1953  
**Autor:** G.G.

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 02.04.2026

**ETH-Bibliothek Zürich, E-Periodica, <https://www.e-periodica.ch>**

## † Sur canoní prof. Augustín Giger

1873 — 1953

Ils 11 d'october 1953 ei Sur canoní prof. Aug. Giger morts a Sviz, suenter haver cumpleniü cuort avon ils 80 de sia veta plein merets per la Baselia e la scola. El ei staus 54 onns spiritual e buca meins che 50 professor al collegi de Sviz. Quei tscherchel de sia veta cuntegn tontas lavurs e merets che nus savein menzionar cheu mo ils pli essenzials.

Sur Augustin ei staus in conscienzius e bien spiritual, mo era in premurau e zun pazient magister de roschas e roschas students che prateschan oz sco spirituals, medis, advocats, politichers, ingenieurs etc etc., e che seregordan ussa cun engraziament de lur bien e beinvulent professor e prefect.

Ultra de quei udeva Sur Augustin Giger era tiels paucs che han aunc assistiu alla fundaziun della Romania entras dr. C. Decurtins. Ha sgr. prof. Giger era buca publicau zatgei pli enconuscent ellas annadas digl Ischi u Tschespet, eis el tuttina staus in dils pli fideivels e fervents commembers della Romania, dapi sia fundaziun entochen ils davos dis de sia veta. — El era in dils paucs che muncava mai allas radunonzas generalas della Romania e che veva adina de dir enzatgei impurtont a giuvens e vegls, ad activs ed inactivs. Siu plaid e siu exempel stimulavan in e scadin; er' el udeva tier quels digl anim grond che vegnan pli e pli rars.

Spir anim e carezia pil manteniment dil lungatg romontsch, ha el era fundau l' «Academia Romontscha» de Sviz ed introduciu la «Pagina Romontscha» della scartira periodica dil collegi de Sviz (Grüsse aus Maria-Hilf). Sco protector dell' Academia Romontscha de Sviz, ha il bien sgr. prof. empalau beinenqual student agl ideal che mintga studegiau duess prender cun el ella veta.

Bein che Sur Augustin era ligiaus fermamein cun Sviz e siu collegi, sia secunda patria, ha el tuttina mai emblidau sia cara Val Medel; anzi! A quella ha el dedicau cun cor ed olma ils fretgs de sia plema: poesias, canzuns, raquintaziuns e reminiscenzas. «Per vias e sendas» ei in cudischet carezaus e beneventaus cun plascher e luschezia da tut ils Medelins. In veritabel document de sia carezia per sia patria e ses perdavonts.

Il grond conduct de bara, ha mussau che Sur Aug. Giger era stimaus e respectaus dals Medelins, sco era dals collegas, spirituals e students. Ch' el ruaussi en paisch leu ell' umbriva della tuor de s. Martin, e che nus tuts mantegnien el en buna e pia memoria.

(Pli bia e detagliau mira: «Al Sur canoni giubilar, prof. Augustin Giger» da Al. Arpagaus, en Gasetta Romontscha 1953, nr. 74, sco era: Gasetta Rom. 1953, 84: «Sepultura de Rev. Sur canoni Augustin Giger». A. — Ultra de quels artechels pli liungs, consultescha era il necrolog da dr. G. Desax, en BT dils 13 u 14 d' october.)

Gm. Ga.